



Telmo Martín González, Portavoz do Grupo Municipal do Partido Popular, conforme ao previsto no Regulamento de Organización, Funcionamento e Réxime Xurídico das Entidades Locais, desexa elevar ao Pleno do Concello a seguinte

MOCIÓN PARA GARANTIR A SEGURIDADE CIDADÁ

Os veciños, os visitantes e o sector turístico están moi preocupados polo aumento da inseguridade cidadá. No verán do 2015 xa se produciron excesos de botellón, pelexas e actos inapropiados que tiveron unha ampla difusión en Youtube e outras redes sociais, danando a reputación de Sanxenxo.

Este verán, lonxe de ir a menos, os comportamentos incívicos incrementáronse xerando un gran malestar entre os veciños e visitantes. As vilas de Portonovo e Sanxenxo, especialmente as fins de semana, convertéronse en lugares de impunidade para o que se salta as normas de convivencia. Cómo si non se entende que alguén poida arroxar ás rocas as papeleiras da avenida de Pontevedra sen ser identificado e sancionado. Ou que se produzan pelexas en lugares céntricos como o paseo de Silgar ou a entrada do porto deportivo, colgadas en Youtube, sen a intervención das forzas de seguridade.

Tamén é moi lamentable que os veciños e visitantes que teñen o costume de levantarse cedo para facer deporte, teñan que soportar insultos e vexacións por parte de impresentables cunhas copas de máis. Neste sentido, nos consta que houbo chamadas de queixa a oficinas municipais, tanto de visitantes como de hoteleiros.

O fenómeno do botellón está fora de control, pese aos esforzos da Policía Local. Hai botellón no parque de San Roque, na praia de Baltar e nos arredores dos campos de fútbol en Portonovo. Hai botellón en Punta Vicaño, no entorno da Igrexa de Sanxenxo e ata en pleno paseo de Silgar. Non hai unha estratexia para combatelo pese a que a aplicación da lexislación autonómica podería resultar moi eficaz.



Pero o goberno, ademais, ten a potestade de aprobar unhas ordenanzas que reforcen a estratexia contra o botellón e a violencia. Así o recoñece o novo título XI da Lei 7/1985, Reguladora das Bases de Réxime Local, no seu artigo 139: *"Para la adecuada ordenación de las relaciones de convivencia de interés local y del uso de sus servicios, equipamientos, infraestructuras, instalaciones y espacios públicos, los entes locales podrán, en defecto de normativa sectorial específica, establecer los tipos de las infracciones e imponer sanciones por el incumplimiento de deberes, prohibiciones o limitaciones contenidos en las correspondientes ordenanzas"*.

A Policía Local está desbordada e non da abasto para evitar os excesos e problemas de seguridade. Non se fixo unha planificación adecuada, sobre todo tendo en conta que xa o verán pasado houbo serios problemas e que todas as previsións falaban de que este ía ser un verán de récord turístico. A Policía Local conta con menos auxiliares dos habituais, ao que hai que engadir as baixas, por unhas razóns ou por outras, do cadro de persoal fixo.

O goberno tripartito, lonxe de asumir a realidade e os problemas de seguridade, limítase a minimizalos, cando debería ser o principal interesado en resolvelos. O Partido Popular está disposto a apoiar calquera medida efectiva ou gasto extraordinario que sirva para salvagardar o prestixio de Sanxenxo. O que non pode facer o goberno é deixar pasar o tempo.

É por todo elo polo que o Grupo Municipal do Partido Popular insta ao goberno de Sanxenxo a:

- Que o Alcalde asuma inmediatamente a responsabilidade de dirixir e coordinar o dispositivo de seguridade ata o final da temporada alta.
- Que se mellore o operativo de seguridade, aplicando a lexislación vixente, corrixiendo as carencias e destinando os recursos necesarios para asegurar a convivencia cidadá.




Grupo Municipal
Partido Popular Sanxenxo

- Que o goberno elabore unha serie de ordenanzas, de cara á próxima temporada alta, que aporte ao Concello unha lexislación máis eficaz para controlar o botellón e perseguir calquera comportamento violento ou incívico. Sanxenxo necesita dotarse dunha normativa específica co fin de salvaguardar o dereito ao descanso e garantir un ocio nocturno de calidade e ordenado.

En Sanxenxo, a 3 de agosto de 2016

O PORTAVOZ DO GRUPO MUNICIPAL DO PARTIDO POPULAR,



Asdo. Telmo Martín González

SR. ALCALDE-PRESIDENTE DO ILMO. CONCELLO DE SANXENXO

Avenida de León, 9 Bajo – 36960 Sanxenxo
sedeppsaxenxo@gmail.com Telf.: 986.69.09.20